

無上黃籙大齋立成儀卷之三十

竹十

无上黃籙大齋立成儀卷之三十

竹十

太上執法仙士蔣叔興

科儀門

靈寶普度大齋加持斛食儀

法師自浴室引魂入

一茭郭舉光明頌巡遶茭郭
一周次道眾序立斛筵所

法師祝香

此一炷香先天立本後地盤根景散十華上
徹森羅之境煙凝九炁下通冥漠之鄉普被
含靈徧周法界以今奉為齋官某人意入齋普

為六道四生孤魂滯魄修設清淨無礙夜齋

焚此寶香供養

無極大道三境帝師至尊經寶諸天上聖三界真宰十鄉威靈伏願策景凌空盼祥雲而下鑒傾光迴駕泛瑞靄以來臨見前受度衆靈凝神滌慮念道歸真頓悟宿因俾塵緣之

竹十

永齒薰陶法澤知覺性之本空直須目見耳聞鼻通心解三塗五苦不離清淨之想六趣九幽盡屬光明之界永除染著俱獲逍遙稽首皈依無極大道

吟普獻頌

普獻無邊聖 香煙散十方 願成七寶臺

垂光五濁世 運度天人眾 咸令上法橋

同會至無為 勤修不退轉 法師上香存變 依靈寶本章行

持化身為救苦天尊壇眾為救苦真人解筵

所為三層寶臺斛中紅紫光炁上冲天際監

臨將吏里社神司四方守衛如法次存三寶

界主宰金童玉女靈官功曹

將吏一一分明然後上啓

具法位 臣某焚香上啓

妙無上帝自然元始天尊無上道寶妙有上

帝虛皇玉宸大道君無上經寶至真大帝萬
變混沌玄元老君無上師寶東極太乙救苦

天尊十方尋聲救苦天尊五老上帝三十二
天帝君日宮太陽帝君月宮太陰皇君五方
五德五星君北斗七元星君南斗六司星君
靈寶經籍度師真君玄中大法師君三天大
聖師君太極仙公真人三省五府真宰虛空

竹十

二

監察香官使者當境土地里域真官三界應
感一切威靈臣聞六道循環未離輪迴之海
四生飄浪難超解脫之鄉河沙十類之魂長
夜九泉之魄展轉受報脫化無期嗜慾重而
飢渴生神智昏而憂惱集一沉苦趣永隔陽

光非憑三洞之真詮莫遂九泉之生路玄真
哀憫大道垂科開夜齋普施之門度苦海流
吹之識慧光照燭攝化億千法力加持徧周
法界臣今奉為齋官某正普薦亡親某乙旁及
六道四生孤魂滯魄開建无上黃籙大齋用

資超度恭取今宵普設太上慈悲無遮無礙
廣大平等清淨斛食一筵先用供獻十極十
華三元三界飛天大聖應號慈尊日月星辰
江河海嶽泉艷土壘一切威靈共賜鑒歆同
垂證度三華寶濯錫三景之明輝八會靈聖章

集八天之梵炁降流壇場之內灌溉法食之
中俾六道四生一切孤魂等衆享食承供六
欲靜而百體豐聽法聞經一性圓而萬神集
惡根滅對業道停輪咸登自在之天長處福
堂之界臣無任激切懇禱之至

行十

三

當職道士洒淨祝曰

泠泠甘露饌

法味難思議

騫香流七珍

冥冥何所疑

受此法食施

生天登紫微

悲夫長夜苦

熱惱三途中

猛火入咽喉

長生飢渴念

一洒甘露雨

如熱得清涼

神魂生大羅 潤及於一切

自然天廚食 法味難思議 普濟六道中

鬼神未濟者 盡霑甘露味 咸皆得飽滿

於此妙會中 遍及於一切 生天登紫微

上昇清都宮 存天門金光道炁百千萬重綿綿而降既注已身及斛食水盃

之中映徹內外太上三尊青玄上帝十方衆聖在空玄中為作證盟

請三寶 按人各恭信

法師白云

希夷莫測獨居象帝之先恍惚難明肇自太初之始剖分一炁開張萬真惟大道之尊崇

作衆生之恃帖以今嚴陳淨供式闡玄科冀
道寶之垂慈俾幽靈之受度仰希昭鑒俯賜
證盟法衆虔誠志心奉請

知職道士舉

志心奉請十方道寶降臨壇所

皈依无上道 至真大慈尊 普願諸衆生
咸證無爲果

法師白云

琅書玉宇空生自然之先金簡瓊章炁結飛
玄之始保制劫運普植神靈惟三洞之尊經

作十方之真實以今嚴陳淨供式闡玄科冀
經寶之垂慈俾幽靈之受度仰希昭鑒俯賜
證盟法衆虔誠志心奉請

知職道士舉

志心奉請十方經寶降臨壇所

竹十

皈依玄元始 三十六部經 普願諸衆生

得入三乘道

法師白云

分身下化為生死之津梁立法度人作真仙
之梯磴汲引四輩開導三乘惟億劫之真師

實人天之慈父以今嚴陳淨供式闡玄科冀
師寶之垂慈俾幽靈之受度仰希昭鑒俯賜
證盟法衆虔誠志心奉請

知職道士舉

志心奉請十方師寶降臨壇所

皈依玄中主 大慈無上師 普願諸衆生

常聞師寶訓

願汝皈依無上道

願汝皈依無上經

願汝皈依無上師 和不可思議功德

法師啓白

至心奏啓

東極宮中大慈仁者尋聲赴感太一救苦天尊
尊臣聞委炁聚功太上著度生之典尋聲赴
感慈尊標救苦之名威神遍滿於十方誓願

廿十

五

普拔於一切俾承道力得離迷塗臣今伏為

齋官某正薦亡親某乙在會衆魂開建无上黃籙大齋

恭取今宵普設六道四生孤魂滯魄無遮無礙
廣大平等清淨斛食夜齋一筵伏望大慈
特回真馭錫之景曜燭以威光敷慶雲以開

生施祥煙而塞死還將上天之氣濟此九幽
之魂寶號稱揚三塗聞知而離苦靈章誦詠
六道受度以超凌仰賴至仁俯垂洞鑒再憑
清衆請爲讚揚

太一救苦天尊四聲

誦救苦經一遍

存五色光明現於東方圓像如月暈之狀
徧照天上地下十方世界無不洞明中有
青玄上帝頂俯仰碧玉冠衣飛青翠羽離
羅帔左手擎碧霞琉璃寶鍾右手執空青

羽枝坐九色九頭獅子金翠蓮花之座獅子口中各吐火燄圍繞身光天尊於光燄中別有九色圓像如虹蜺項有圓像如日從太一八十一神左右二真人天丁力士青玄功曹黃籙童子玉女神王頂出白毫慧光鋒芒外射如千萬鎗劍之像一一分明流注斛食

志心奉啓

三十二天帝君臣聞元始開圖真陽布化雖資生於妙有實總炁於上元色界以還均爲

輪轉福緣報盡則或代終惟八會之真六隱

諸天之大梵功超萬品澤普九幽臣今伏為

齋官某正普薦亡親某乙開建无上黃籙六齋

恭取今宵普設六道四生孤魂滯魄無遮無

礙廣大平等清淨斛食夜齋一筵仰祈霄馭

竹十

六

下鑒塵寰昭錫天光降流法食大千世界資

梵炁以攝化無窮億劫沉魂仗真乘而受用

充足庶俾元精之化育益增弘覆之高明清

衆運誠同聲讚詠

諷隱語一遍結三塗五嶽印想道衆皆為

真人同諸天帝君齊聲諷誦每一方畢存
本方炁東九南三西七北五條如數從各
方來灌注斛食吸吹水盂中再依前誦隱
語一徧存黃炁十二自五方來日月五星
之光上引三十二天之炁交映羅絡灌注
斛食再誦隱語三徧存四方紅光罩壇良
久混成五色虹蜺下注兆身口五藏之間
復混為一大圓象廣大覆蓋徧滿虛空兆
身如在日宮其斛食自一生二二生三三
生九九八十一聶也無窮徧滿十方自

地至天廣大無量次沉變食符水盂中誦
甘露通真呪三徧師擎水盂以栢枝炷繞
徧洒斛食存青玄上帝同兆真人及官君
等皆誦甘露真言洒其甘露香炷馥郁徧
滿充足

功德金色光

廿十
微微開幽關

七
華池流真香

蓮蓋隨雲浮

千靈重元和

常居十二樓

急宣靈寶旨

自在天堂遊

次誦破酆都地獄開業道呪三徧道衆旋

繞法師居位凝神存東北方酆都九幽諸

大地獄等一切罪魂受苦萬狀次存泥丸

中玉清上帝御於寶座行依持大法同兆真人

等及靈官將吏皆誦破艷都地獄開業道

呪良久上帝口吐九色慶雲紫炁金光直

指地獄照破重陰鐵城摧毀枷鎖解脫刀

劍變為青蓮鏤湯化為春圃重冥九地盡

為淨境所有罪魂並皆出離前詣壇下伺

候開度

茫茫艷都中 重重金剛山 靈寶無量光

洞照炎池煩 七祖諸幽魂 身隨香雲輿

定慧青蓮花 上生神永安

上來加持法食無量勝因用薦幽魂昇遷福
境汝昔大患爲有此身身有飢虛以食爲念
身今安在何以食爲寒暑爲苦以衣爲念身
非汝有何以衣爲以食以衣財寶爲念飢虛

寒暑了不相關若財若寶亦將焉用六塵幻
妄種種歸空見前衆靈色身已滅猶有愛樂
念未斷耳汝能解空見性絕妄歸真不著有
無自然超脫如或塵根不斷業想未除見以
飢渴爲苦者即饗我無碍甘露法食

十方救苦天尊

靈寶普度大齋施斛宣演法語儀

法師上香就坐

望鬼門
鋪設

普告十方無極世界一切天人等眾一切飛
空大力鬼神等眾一切地獄苦魂等眾一切

竹十

畜生業累等眾一切無主孤滯等眾蓋聞善
惡二緣報殊苦樂死生異道隔以幽明沒等
纜捨蔭身即淪鬼趣但知飢渴之逼孰禁枯
槁之餘況有受罪之苦魂根塵障礙一莖中
心之食念業火熾然今者法會載陳幡花迎

召化茲妙淨之供濟汝苦餒之形汝等聞命
饗臻應時膺至懽言盛饌慰若平生老幼携
手而扶將少長差肩而先後無譁就列既飽
爲期上承道法之慈悲普同供養下體齋修
之願力無有遐遺當興難遇之懷勿生有限
之想歸依真道度脫此身捧腹相懽如有屬
饜之量省心知愧似聞歎息之音今爲汝等
一切鬼神設無量齋加持法事

當職道士吟玉清慧命啓請法言曰

稽首明慧虛無尊
稽首皈命重元主

裁成天地無德稱
悉為衆生作恃怙

慈濟五道轉輪魂
哀救三塗地獄苦

皈命金闕天中尊
皈命六度慈悲父

皈命玉清無上真
以離生死長綿綿

竹十

九

出有入虛無所待
能令枯朽變成仙

千劫萬劫難一遇
為衆廣說業因緣

迴骸起死永長存
使其形神無邊遷

出玉
清經

次施食

雲廚妙饌餌之者策景凌虛紫府靈文聽之

者成真得道今汝等鍊形濯質攝炁成人既
詣法筵各須霑足奉爲汝等上資往生仙界
念玉清甘露加持法食呪

稽首仰圓羅

合景挹靈芒

拘魂制七魄

思審定中央

行住禮虛無

寢息宴玄房

飢飡黃碧花

渴飲瓊根漿

神旌命大魔

合體鍊真光

復照觀太無

常在空中遊

圓通泯波濟

真化靡中期

宵眇無終始

行者當明知

寂寥忘理教

應運闡弘規

降道不自照

要當先所施

會歸無二處

隨心自合離

出玉清經

金聲垂教玉冊流科垂濟死之津梁作昇仙
之梯磴須憑慧力出離迷途俾性智以圓通
得身心之清淨奉為汝等上資往生仙界念
三光法炁况

浩晶生法炁

氤氲凝天中

兩曜共澄徹

五緯相交通

三光煥已明

寶氣盈三宮

帝鄉會九老

咽服百體豐

金華照光景

身與日月同

念道上聖前

萬劫壽無窮

三光煥耀會九老於帝鄉五緯交羅棲萬神

於真宅嚙嗽玉醴咀嚼靈芽九竅既已開通
百關當遂調理奉為汝等上資往生仙界念
三光流精呪

妙道分一炁 炁中分陰陽 凝化日月星

燦然流三光 九華含九道 八色怡八方

竹十

煥爛洞真體 流精歸太茫 下生淵泉宮

上列無何鄉 縱體復飛跡 忽然都相忘

七寶流精潔 混沌雜華芒 咽服九雲散

此樂殊未央

法航接引度五苦之沉淪慧露清涼蠲三塗

之熱惱消除罪垢須仗真詮奉為汝等上資
往生仙界念三光澤嬰呪

玄絕九炁中 澤嬰生太無 鬱儀煥場谷

結璘曜天衢 五星流寶光 斗極回乾樞

飛炁鬱勃散 咽御方踟躕 超跡天寶階

鍊芝服華敷 炁布萬神會 舉形升太虛

元始開圖真文現世慈尊接引勝範宣流以

能廣潤衆生故名甘露以能破除業障故曰

法言汝等久墮苦輪不聞正道由妄緣之假

合致本性之昏蒙欲超證於真常當返生於

魂魄奉為汝等上資往生仙界念玉清陰生

梵唱呪

靈芝無根 衆化之原 中凝七魄 上結三魂

二十四真 出入無門 杳冥之中 恍惚無精

隨劫存亡 逐然而生 外凝渾樸 內養七經

竹十

十一

五神植華 三台敷榮 紫闕素童 返形歸嬰

騰雲而升 逞霧浮空 中有玉真 號曰神公

左挾無英 右衛白元 玄獸過後 丹禽擁前

上浮翠蓋 下湧金蓮 香雲凝空 甘露無窮

用之無盡 尋源不終

上來宣演靈音法契玉匱玄章聲聞十極恩
周三界道炁隨呪下降恩光符合周流溉入
法食普令清淨得享之者障業永消五藏華
敷百關調理壽命無盡形同太虛功德深重
不可思議各各當發大慈悲心普同一切悉
皆靈足身心清涼無復熱惱身心飽滿無復
飢虛身心安泰無復憂苦身心解脫無復輪
迴苦樂福報者轉此以食普獻諸天乃至普
施一切孤窮使無障礙如是則爲不負我十
方天尊廣度沉淪普拔幽暗之意當願施者

受者俱沐道恩同臻福果今我天尊有破地獄離苦升天神呪為汝眾等一心諷誦

功德不思議行者生福報施與法飲食

永生安樂處

上來施食已畢更當普為汝等說真實法依

憑修習用作津梁在昔空無始生三炁三炁凝結而為三天三化為九九復生三三三十六天由茲分列下極九壘土水及風二十七重更相持擎亦三十六上應於天復有元氣之根包承無極兩儀既立人處其中因與天地

分氣而理氣有聚散物有生死從生入死萬
物常然不死長生是為真道道分三洞教闡
三乘廣說因緣開悟群有天人神鬼皆可修
習隨其願行各證果位積功為漸累德為基
功滿德克身超三界天人壽考優劣一

十一

十二

一不同修行精粗一一有異自微至著漸契
道真從凡人仙歷真成聖超此界者方入三
清始登極果是為長生不滅之道也一切衆
生迷於道真久習顛倒心想雜亂隨逐諸塵
捨一取一無暫休止惑於所有味於所無業

累因緣以此而發招引罪垢歷世彌積輪迴
三界漂浪忘返流轉五道長淪弗悟嬰抱痛
毒不能自知大道流形品彙雜揉氣不可極
數難可窮死而復生幽而復明天地運輸如
車之輪純一道炁本無生滅設爲天人壽億
千萬不明道本爲欲所拘期盡有終復當退
墮四生五道六趣三塗展轉輪迴無有息處
若復汝等於諸法中生有見心捨於穢土求
三清樂捨衆生身求真道相欲斷煩惱而入
無爲求離諸見乃得寂滅如是等相我說汝

等名大邪見譬如愚人畏於大地而欲走避
所至之處不離大地衆生亦耳畏生死身疾
捨三界有心厭離所得之身不離生死如是
衆生未能見法一切衆生無明重暗真道在
身莫能覩見又如愚人東西馳走求覓空色

第十

十三

而不能知即色是空一切世間亦復如是心
生馳走欲求道真不知身心即是真道我今
宣示汝等令知將來三清不離煩惱今知大
道不在他方但觀身心修習正道自然解脫
真道相者名爲不作無起無滅非有非無非

常非斷非大非小非色非心若能體此名爲
修習真道正行如上所說並是三洞真實法
語可爲一切天人鬼衆修正之階今依玄科
普設淨供敷弘至妙開化沉淪伏願汝等於
此會中起皈依心行清淨行絕輪迴道超解
脫門庶積善功進登道果復慮汝等不除三
業尚蔽六情未契法言難超淨境恩惟太上
開濟無邊垂鍊度之洪儀說九真之妙戒防
非護性攝氣歸真升魂九天超神三界當依
科式次第宣傳少憇靈壇以需開度

次起立回向

向來設斛功德無量勝因資薦衆靈成無上
道爲上因緣念大聖元始天尊太上大道君
太上老君不可思議功德

次請降真水真火鍊度如儀

无上黃籙大齋立成儀卷之三十

十

十





